



*Minggu, 16 Juli 2023*  
**Ogen: Amos 1:6-8**



**Dayaken Jadi Budak**



**N**abi Amos e me nabi si perpang, tangkas dingen la erbuni-buni nuriken kerna kata Dibata. Bas ogenta wari enda e me kotbahna man bangsa Pilisti. Bangsa enda enggo ngelakoken kejahatan; la erngadi-ngadi erbahan dosa e me: ibababna dingen i tabanna sada bangsa, kenca si e idayakenna jadi budak man bangsa Edom. Si enda erbahanca ngerehken rawa Dibata, iukum me alu menterken api ku tembok-tembok kuta seh maka meseng me tembok e. isasapken me anak kuta dingen kerina anak kuta Pilisti si tading denga la banci lang mate me. Enda me si jadi nandangi bangsa Pilisti tupung si e. Dosa sibahana e ngerehken ukumen Dibata; idayakenna kalak sideban guna ndatken keuntungan man bana.

Traficking, e me tidaken perdagangan orang. Kalak sideban idayaken guna ndatken keuntungan si mbelin. Berita-berita si itonton entah si oge maka perbahanen enda lit denga nge seh asa genduari. Ilakoken erbage-bage janji (iming-iming) ndatken gaji si galang entah fasilitas ras sidebanna, tapi kinata si lit labo bage. Secara hukum enda itindak, sabap lit aturen larangen tindakan traficking. Ertoto kita gelah perbahanen si bagenda min erurakna janah masap pe sabap Dibata la erngena ate nandangi perbahanen si bage.

Adi nuluh kita ku bas kegeluhen si teptep wari maun perbahanen si bagenda banci jadi. Tuhu, labo ndayaken badan, entah kula tapi lit nge sindayaken gelar sekalak jelma alu tujun kepentingenna. Umpamana nina nande si anu, tapi situhuna labo lit ia ngerana ras nande si anu ndai, entah labo lit kata e ibelasken nande si anu. Senina moria, la kin kapndu enda pe bagin bas traficking enda ndai? Biak si kitik e adi iusur-usur banci jadi mbelin, e maka arah renungenta enda mari putusken mata rantai traficking enda benaken bas dirinta nari.

*🔗 stop perbahanen ndayaken kalak*